


www.BibleForChildren.org


मत्ती ८




चए नुँइँम्धों गालीलर्बें काना नाँसर ब्हया मुँल। येशूए आमा
या चर्न मुँल। येशू नेरो खीए चेलामें या च ब्हयार हुइल।



चर अँगुरए प्हा नुयामा येशूए आमाइ खीने “चुमैने प्हा
खाँयाँना,” बिड़। छबिमा येशूए आमाइ चर्बै के लबै म्हिमैने
“खीजी बिब् धौलेन् कहेमैँइ लद्,” बिड़।



येशूजी चर्बे के लबै म्हिमेंने “कुँइँडिर क्यु खासि
प्लिल लद,” बिमा। चमैँइ तान् कुँइँडि तिगोले
क्यु प्लिमिँइ। च लिउँइँ खीजी चमैँने “च्युगुदे
बोसि भत्त्यारबै चिबने म्हयोंबर पिन्,” बिमा
चमैँइ च्युगुदे बोसि पिँइ।



चिबड़ च क्यु म्हयोंमा व्होंसेंन अँगुरए प्हा तयाल। चु अँगुरए
प्हा खनिउँइले पखए बिसि चड़ था आसेल, के लबै
म्हिमेंइ बिस्याँ था सेल। छतमा
भत्यारबै चिबड़ प्हेरो हुइसि
बिड़। “म्हिमेंइमि ओंसो लिंबै
प्हा थुँल् पिसि लिउँइ आलिंबै
अँगुरए प्हा पिंम्, दिलेया
विहइमि ताँन् भन्दा
लिंबै अँगुरए
प्हा तोर्गो
समा साँथेंना!”





धौंसे औंसौं येशूजी औदिवै चिनु
गालील हयुलबै काना नाँसर
लइ। छले खीजी औदिवै के
ऊँइमिंइ, छाब् माँसि चेलामेँइ
खीए फिर बिश्वास लइ।




च लिउँई येशू पत्रुसए धिरं हयामा पत्रुसए
स्युमिं जर खसि रोरिब् म्मोइ।



येशूजी चए यो छुड़बै तोदोंन् जरइ च
पिवाइ। धै च रेसि येशूए सेवा लइ।



तुहियाँ लियाबै लिउँइं म्हिमेंइ येशू डार नब् छल्में नेरो माँइ
स्याल्में ताँन् पखइ। नाँसबै ताँन् म्हिमें सिमोनए धिबै ह्युर
खागु तखल।




झाड़ले येशूजी ल्हें खालबें नबै म्हिमें सल् लमिंड, धै ल्हें
म्हिमें उँडले मांमें या ल्हामिंड। खी खाब् जा बिब मांमैंड सेमल,
छतसि खीजी चमैं तोड़ पौल आपिं।




ताँन् म्हिमेंइ येशूलाइ छुइल् म्हेमल, तलेबिस्याँ येशूँइले
शक्ति त्हाँरिल। छतमा चमै ताँन् सल् लमल।



च त्हेर्न म्हि प्लिइ स्याले तबै म्हि घि नोसि येशू डाँर पखइ।



चर म्हिए हुल तबइले चमैँइ च स्याले
म्हिए येशूए डार बोल आखाँ। छतमा
चमैँइ येशू मुँबै धिंप्हेँ ओवासि च
नबै म्हि कल्हयोने बालुन् येशू
मुँबै कल्हयोर तवाइ।




च म्हिमेंड खीए फिर
बिश्वास लब् म्मोंसि
येशूजी च नबै म्हिने
बिड़, “ओ च्हेंज्यो,
क्हिए पापमें क्षमा
तइ।” च्हौ बिसि खीजी
च स्याले म्हिने बिड़,
“रेद, क्हिए कल्हयो
नोसि धिर ह्याद्।”



झाड़ले येशू मा ड्युँइए क्यौंजा ह्याब्
बिसि डुँडगार क्रेमा खीए चेन्नामैं या
खीए लिलि ह्याइ। तिस्याँदे लिउँई
मा ड्युँइर थेबै नाँ खैं तसि क्युए
भेल्गाइ डुँडगा प्ल्हँयाबि
छेइ। येशू बिस्याँ
न्हरु च्हुइरिल।



येशूजी चमैने बिड़, “ओ बिश्वास आरेबै म्हिमै, कहेमै
तले छले डिहल?” च्हौ बिसि खी रेसि खै नेरो मा ड्युँडबै
भेल्गालाइ हौदिमा नाँ खै च्याँ तयाइ। छतब म्माँसि चर मुँबै
म्हिमैइ, “चुम खैबै म्हि मुँगे नाँ, खै नेरो भेल्गाज्यै
या खीजी बिबै ताँ डिमना
बिसि प्लेटोयाइ।”



तलेबिस्‍याँ खीए च्हए फिर बिश्वास
लब्‍में खाबै या नास आतरिगे, बरु
खोंयोंइ आनुबै छह योंरिगे बिसि
परमेश्‍वरजी ह्युलबै म्‍हिमेंने ल्हें
म्‍हाँया लसि खीए घि दे
मुँबै च्ह पिंइ।



रोमी 3:23

तलेबिस्याँ ताँन् म्हिइ पाप लइमुँ, छतसि
खी डार फेनेल् आखाँइमुँ।

रोमी 6:23

तलेबिस्याँ पाप लबमैंइ योंबै नों सिब ग! दिलेया
परमेश्वरजी छलेन पिंबै दान इयोए प्रभु येशू ख्रीष्टउँइले
खोंयोँइ आखाँबै छह योंब् ग।

हिब्रू 9:27

ताँन् म्हिमें तिब्ले सिल् त्हुम्, धै सिबै लिउँइ
परमेश्वरजी लबै इन्साफर राल् त्हुम्।



एफिसी 2:8,9

छतसि परमेश्वरए दयाम्हाँयाइ लमन् वहेमैँए बिश्वासउँइँले
वहेमैँइ मुक्ति योंइमुँ। वहेमैँइ छयाँबै केमैँ लसि चु मुक्ति योंब
आडिं, चुम् परमेश्वरजी छलेन पिंब् ग। छयाँबै केमैँ लसि
म्हिमैँइ मुक्ति योंल् आखाँ। छतसि छयाँबै के लइ
बिसि खाबै या थेब् प्हेँल् आत्हु।

रोमी 10:9,10

तलेबिस्याँ किहइ होंसए सुँइ “येशून् डए प्रभु ग” बिसि अरूलाइ
साक्षि पिंम् बिस्याँ, झाइले “परमेश्वरजी येशूलाइ सिबइले धबै
सोगों लमिँइ” बिसि सैँर बिश्वास लम् बिस्याँ किहइ मुक्ति
योंल्मुँ। तलेबिस्याँ इयोए सैँइ बिश्वास लसिन् इयो परमेश्वरए
उँइँर ठिक ठदिम्, झाइले इयोए बिश्वास लबै ताँ
अरूलाज्यै या बिमिँस्याँ इयोइ मुक्ति योंमुँ।



यूहन्ना 3:16,17

तलेबिस्‍याँ खीए च्हए फिर बिश्‍वास लब्‍में खाबै या नास आतरिगे,
बरु खोंयोंइ आनुबै छह योंरिगे बिसि परमेश्‍वरजी ह्युलबै म्‍हिमेंने
ल्‍हें म्‍हाँया लसि खीए घि दे मुँबै च्ह पिंइ। तलेबिस्‍याँ ह्युलबै
म्‍हिमें दोषि ठदिबर परमेश्‍वरजी होंसए च्हलाइ कुलब आडिं,
दिलेया चमैलाइ जोगेबर कुल्‍मिंइ।

१ यूहन्ना 5:11-13

परमेश्‍वरजी पिंबै ग्‍वाइ चुन् गः खीजी इयोलाइ खोंयोंइ आखाँबै
छह पिंइमुँ, धै च छह खीए च्हउँइले इयोइ योंम्। खाब्‍ने परमेश्‍वरए
च्ह टिमुँ, चइ च छह योंइमुँ, दिलेया खाब्‍ने परमेश्‍वरए च्ह आटि,
चइ खोंयोंइ आखाँबै छह आयों। ओ, परमेश्‍वरए च्हए फिर बिश्‍वास
लब्‍में! क्‍हेमेंइ खोंयोंइ आखाँबै छह योंइमुँ बिसि पक्‍का था सेरिगे
बिसि डइ चु प्‍हिछया क्‍हेमेंलाइ प्‍हिब् ग।



मत्ती 8-9; मर्कुस 1-2, 4; लूका 4, 8; यूहन्ना 2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: E. Frischbutter; Sarah S.

Gorung Central Bible (gvr) © 2020, Wycliffe Bible
Translators, Inc. All rights reserved.

<https://live.bible.is/bible/GVRWBT/MAT/1>

©2026 Bible for Children, Inc.

www.M1914.org

www.bibleforchildren.org

